

關
中
金
石
記

關中金石記卷第四

鎮洋畢沅撰

唐

顏氏家廟碑

建中元年七月立顏真卿撰文并正書李陽冰篆額在西安府學

此卽俗呼爲四面碑者是也其額陰爲齋堂記

魯公世系

唐書無顏氏世系表今以此碑所叙及唐書本傳並師古杲卿傳晉書欽傳北齊書之推傳攷定附載於後

盛字叔欽字公默字靜含字宏暹字君綝字文靖之字勝之字炳之字臺魏青若廣陵伯汝陰都督侍道東晉和

茂宗宣宏道巴叔豹輔

徐二州太守給太守襲中右光侍中光

城太守陵太守國江夏

刺史開事中葛葛釋子祿大夫祿勤西

御史中度支校王恭軍

內侯 釋貞子

西平靖平定侯

丞尉

因亮云

侯

始自魯

因亮云

國居郎

始自郎

邪

邪居丹

陽

謙安成

太守

約零陵

太守

總舍兒

見遠字協字子之推字思魯字勤禮字昭甫本元孫滌春卿偃

見堉齊和樂鎮介北齊孔歸隋敬宏文名顯甫沂濠三師丞

侍書御西記室給事黃司經校崇賢學字周卿州刺史

史兼中參軍門侍郎書東宮士贈號晉曹二贈秘書

丞

待詔文學士唐州刺史王侍讀監

林館平爲秦王

贈華州

原太守記室

刺史

因亮云

始自丹

陽居京

兆長安

之儀之

推兄周

御正御

更中大

夫麟址

學士廟

爲集州

刺史新

野公

之善之

推弟陪

葉令

果卿攝

常山太

守贈太

子太保

謚忠節

曜卿淵

州別駕

旭卿允

山令

茂曾驍

爲司馬

惟貞薛闕疑杭

王友贈州參軍

秘書少

監國子

祭酒太

子太保

允南膳

部司封

郎中司

業金鄉

男

喬卿富

平尉

眞長

幼與左

清道兵

曹

真卿大有三子

師魯國曰頗曰

公碩曰頗

允賊江

陵少尹

敬仲

殆庶

無恤

少連

務滋

辟強

師古字

籀

相時

育德

愍楚直

內史省

游秦典

校秘閣

魯公官階

唐書本傳載魯公遷轉官爵多誤今以行狀神道碑銘及家

諸年譜與本傳互攷附載於後

舉進士

以唐書本傳爲主下並同

案本傳以此爲在開元中令狐暉神道碑銘云進士出身
尋判入高等授秘書省校書郎因亮行狀云開元二十二
年進士及第登甲科二十四年吏部擢入高等授朝散郎
秘書省著作局校書郎

又據制科調醴泉尉

碑銘云天寶初行狀云天寶元年舉博學文詞秀逸科試
上第授京兆府醴泉縣尉案碑銘行狀下並云授通直郎
長安尉傳缺者非也而元剛年譜云唐會要所載諸科如
文詞秀逸皆謂之制通直郎從六品朝散郎從七品年譜
並載在天寶元年

遷監察御史

本傳遷監院後公使河隴行狀云充河東朔方軍試覆屯交兵使又充河西隴右軍試覆屯交兵使蓋先使河東後使河隴其使河東爲天寶六載使河隴則七載也本傳于此下又云復使河東則八載更充河東朔方軍試覆屯交兵使也

遷殿中侍御史爲東都採訪判官

八載之八月也魯公家譜以五月非是從行狀

再轉武部員外郎

行狀遷殿中侍御史後九載又遷侍御史本傳缺故云再轉年譜云判南曹

出爲平原太守

公之爲平原在天寶十二載年譜于十四載下又云轉兵部員外郎公旣以武部員外郎出爲平原不得于此再轉兵部且兵部卽武部也年譜悞

拜戶部侍郎

碑銘云再領平原行狀云元宗以公爲戶部侍郎依前平原太守充本郡防禦使

加河北招討採訪使

拜工部尚書兼御史大夫復爲河北招討使

碑銘云拜工部尚書兼御史大夫採訪招討等使如故

授憲部尚書遷御史大夫

家譜云肅宗至德二載四月授憲部尚書六月兼御史大夫行狀云至德元載授憲部尚書二載正月兼御史大夫

其日月不同年譜從家譜

出爲馮翊太守

轉蒲州刺史封丹陽縣子

行狀云改蒲州刺史充本郡防禦使封丹陽縣開國子食邑一千戶

貶饒州刺史

碑銘行狀云乾元元年貶饒州二年拜昇州本傳不及昇州誤

拜浙西節度使

行狀云充浙江西道節度使兼宋亳都防禦使年譜云充浙江節度使兼江寧軍使江寧乾元元年爲昇州

召爲刑部侍郎

碑銘云追拜刑部侍郎進爵縣公

貶蓬州長史

起爲利州刺史不拜遷吏部侍郎除荆南節度使未行改尚書右丞

碑銘云移利州刺史徵拜戶部侍郎轉吏部侍郎加銀青光祿大夫充荆南節度觀察使行狀云加銀青光祿大夫上柱國其移利州在寶應元年五月戶部十二月改吏部二年三月除江陵尹充荆南節度八月轉尚書右丞十月傳叙次不甚明白

以檢校刑部尚書爲朔方行營宣慰使未行畱知省事更封魯郡公

行狀云廣德二年正月除檢校刑部尚書兼御史大夫朔

方行營汾晉等六州宣慰使尋罷前命唯知刑部尚書事
三月進封魯郡開國公食邑三千戶碑銘云食邑二千戶
稍異

貶峽州別駕改吉州司馬遷撫湖二州刺史

行狀云大歷三年遷撫州七年除湖州

擢刑部尚書進吏部充禮儀使

年譜云大歷十二年八月爲刑部十三年二月進吏部家
譜以爲十二年十二月進吏部

換太子少師領使

行狀云授光祿大夫遷太子少師依前爲禮儀使

改太子太師

年譜云罷其使

薨贈司徒諡文忠

碑銘云興元元年八月三月薨于蔡州之難貞元二年十一月歸葬冊贈上公諡曰文忠行狀云貞元元年八月二十四日希烈幽殺之年譜從行狀本傳云年七十六年譜云年七十七異者傳用碑銘不從行狀故也案公以大歷十三年爲刑部尚書時年七十三抗章乞致仕不允後薨于貞元元年當是七十七傳非也

大秦景教流行中國碑

建中二年太簇月立僧景淨撰文呂秀巖正書并題額在西安府崇聖寺

大秦卽梨軒說文作麗軒漢書西域傳所稱梨軒條支臨西海者是也後漢書云以在海西故亦云海西國水經注恒水

又逕波麗國是佛外祖國也法顯曰恒水東到多摩黎耆國
卽是海口釋氏西域記曰大秦一名黎耆道元之據此蓋以
黎耆爲卽波麗矣攷條支卽波斯國魏書云地在忸密之西
東去黎耆猶一萬里長安志義寧坊有波斯寺唐貞觀十二
年太宗爲大秦國胡僧阿羅斯立應是大秦僧人入中國之
始台之碑則云于義寧坊造大秦寺兩國所奉之教略同故
寺名通用耶阿羅斯碑作阿羅本當是敏求之誤

大辨正廣智三藏不空和尚碑

建中二年十一月立嚴郢撰文徐浩正書在西安府學

吳岳祠堂記

興元元年十月立于公異撰文冷朝陽行書在隴州岳祠內
碑云相國涼公鎮鳳翔者李抱玉也是時副元帥李晟復京

師德宗至自興元晟至鳳翔斬叛卒王斌等及涇帥田希鑒
卽以其年十一月祭告吳山公興爲掌書記撰此文

崔漢衡題名

興元元年十二月刻盧倣隸書在華嶽廟

題云守兵部尚書博陵郡開國公唐書載漢衡官爵甚詳不
言封博陵郡公亦是缺略倣機漢隸字源云漢樊毅復華下
民租碑唐興元中華陰縣令盧倣求得而爲之記八分書于
碑末卽此人

顏魯公奉命帖

畱元剛年譜以爲興元元年行書在同州府學

右碑上刻書下刻像中則宋唐重跋也云觀此筆蹟不題歲
月以事實攷之蓋使李希烈時也至貞元元年八月丙

不幸遇害困躓賊庭者踰二年案魯公以興元元年奉使貞元元年八月廿四日死難唐書本紀以爲八月丙戌獨行狀以爲興元元年者非跋爲靖康元年七月作

韋綬等題名

貞元元年二月刻正書在華嶽廟

唐書韋綬傳綬字子章京兆萬年人建中中爲長安尉朱泚亂羸服走奉天拜華陰令案唐有兩韋綬一爲韋貫之兄非此人

尊勝陀羅尼經幢

貞元五年八月立郭謂正書在乾州

李元諒懋功昭德頌

貞元五年十月立張濛撰文韓秀弼隸書李彝象額在華州

治大門外

元諒本姓安氏出自武衛大將軍興貴文解武衛巨唐之爪
牙者卽此元諒爲漳關鎮國軍隴右節度使檢校尚書右僕
射兼御史大夫華州刺史武康郡王唐書以爲檢校尚書左
僕射者非也文中云陛下薄狩郊甸爰幸巴梁何望之壑掘
咸林敬釭窺覬蒲坂者謂德宗幸奉天朱泚將何望之等襲
華州刺史董晉奔城走元諒自漳關引兵拔其城是也云進
次昭應票命于副元帥之軍列屯光泰分援于尚可孤之壘
者謂尚可孤以襄鄧兵五千次藍田元諒屯昭應賊兵不能
踰渭是也時李晟爲京畿渭北商華兵馬副元帥云姚令言
望旗而潰張光晟奔甲而奔賊泚憂窮竄死眞寧者謂賊將
姚令言與晟兵遇十聞皆北張光晟以精兵壁九曲距東渭

橋密與晟約降泚引殘軍西走至寧州爲朱惟孝等所斬是也時元諒與渾瑊尚可孤等皆從晟軍云李懷光阻河距命陛下特詔攻圍重鞠戎旅者謂懷光反元諒與馬燧渾瑊韓游瓌等進討也懷光將徐廷光素易元諒侮斥其祖父元諒與游瓌約卽日斬之所稱才殲當道之豺且蹠吠離之犬者應指此云藩戎匿詐求和諸軍畢會是獨沉疑陳其不誠請以爲備者謂吐蕃請盟詔元諒軍潘原韓游瓌軍洛口援渾瑊會平涼盟吐蕃劫盟事也云距平涼二十里所柵爲壁塹爲壕設晉師敖前之伏修楚臣勁後之殿皆與史本傳合此貞元三年事也蓋更隴右節度卽在其時云依其制度峻以規模役不二旬隱然岳立乃修廬井乃闢田疇者則元諒修治良原隍堞闢田數十里使士卒墾治諸事水經注曰河水

自潼關東北流水側有長坂謂之黃巷坂潘岳西征賦溯黃巷以濟潼今二書巷皆作卷此云北連繹臺南抵黃巷可以証其誤矣碑在華者華人思其功請于朝故作此頌也

文苑英華有任華送李葵宰新都序云宗室後進有以學術辭藻著稱者葵也少好學通九流百家之言善屬文有大節名試西掖與莊若訥高郢同入高等執政以葵大人在蜀故授新都以榮之

文內有行軍司馬董叔經攷唐書藝文志博經一卷貞元中董叔經上墨池編云唐開汾河記董叔經書卽此人

姜嫄公劉廟碑

貞元九年四月立高郢撰文張誼行書張紹篆額在邠州廟內

文中云邠寧節度觀察使檢校刑部尚書兼御史大夫邠寧郡王張公獻甫戎醜是膺授鉞而至肅肅王命惟公將之蓋卽指獻甫代韓游瓌領節度邠寧事唐書稱獻甫從渾瑊討朱泚累遷至金吾將軍檢校工部尚書不及刑部爲邠寧後加檢校尚書左僕射不及封邠寧郡王並史之缺誤當從碑爲是

參軍事裴潯等題名

貞元九年七月刻潯行書在華嶽廟

潯河東間喜人善隸書唐書有傳宣和書譜云潯隸書爲時推重晚歲行艸尤勝攷潯以陰起家此稱參軍事而不著地當卽是華州諸參但未辯何司耳題內又有盧渚盧佩渚名見宰相世系表佩名見河東記

東陵聖母帖

貞元九年釋懷素艸書宋元祐戊辰歲刻

聖母晉康帝時人其得建號爲東陵聖母者以其主食江淮故也禹貢導江過九江至于東陵漢書地理志廬江郡金蘭西北有東陵鄉者是也王松年仙苑編珠曰聖母杜氏妻也學劉綱術坐在立亡杜氏不信誣以姦淫告官付獄聖母入獄卽從囟中飛出入雲中而去與帖所云正合聖母自晉迄隨無不崇奉至唐尤其此帖書于德宗時文稱皇從叔父淮南節度觀察使禮部尚書太原郡公而不署名蓋指建立祠宇之人案其文義當在廣陵郡地帖蓋宋時以墨本摹刻者後有柳槃柳乘裴休同登題名

藏真律公二帖

無號年釋懷素艸書宋元祐八年九月安宜之刻有游師雄跋並在西安府學

後有宋人題名蓋亦以墨本鈎摹者藏真懷素字也文云所恨不與張旭長史相識近于洛下逢顏尚書真卿自云頗得長史筆法攷今世猶有魯公傳長史十二筆法記與帖所云正相合然則爲後人依托爲之者是非矣

杜府君夫人韋氏墓志

貞元十年八月立李宣撰文姪成均行書在西安府寺坡

杜君名濟官至京兆尹

諸葛忠武侯新廟碑

貞元十一年二月立沈迥撰文元錫正書在沔縣

文稱貞元三年府王左僕射馮翊總師者謂舒王謨爲荆襄

江西沔鄧節度諸軍行營兵馬都元帥也錫字君貺見世系表

鄭全濟題名

貞元十三年三月刻正書在華嶽廟

內有華陰尉鄭暉世系表有之

澄城令鄭君德政碑

貞元十四年正月立陳京撰文鄭雲述正書姜元素篆額在澄城縣南門祠內

鄭君字叔敖渤其名案文中有云詔京銘紀左馮翊澄城令鄭楚相功德于其理所之南門則其名爲楚相矣京字慶復官至秘書少監集賢學士見柳宗元行狀

劍州刺史李廣業碑

貞元二十年十一月立鄭雲遠撰文并正書在三原北原

楚金禪師碑

貞元二十一年七月立沙門飛錫撰文吳通微正書後附奉
勅追諡號記在西安府學

尉曼題名

元和元年正月刻正書

謁華嶽廟詩

元和元年十月賈竦作并正書後有太和六年四月竦姪琬
重修題名

竦賈餗兄據宰相表則竦官著作郎也無姪琬名可以補史
之缺

郭豐等題名

元和元年十月刻崔杙正書

題內有門下典儀李誠明門下典儀者門下省屬官也

柳開等題名

元和四年九月刻行書並在華嶽廟

開時爲華陰令宰相世系表開官至侍御史

保唐寺毗沙門天王燈幢贊

元和七年五月立柳澈撰文并正書在咸寧

盧宏正毗沙門天王記云毗沙門天王者佛之臂指也左扼

吳鉤右持寶塔其旨將以摧羣魔護佛事在開元則元宗圖

像于旗章在元和則憲宗交神於夢寐據之則是時正崇奉

其教也

張鄂等題名

元和八年四月刻行書在華嶽廟

佛頂尊勝陀羅尼經

元和八年八月女弟子那羅延建正書在西安府儒學

唐刻此經甚多惟此爲沙門不空所譯首云曩謨卽今所云南無也或稱曩莫並同縛音无可反者春秋左傳音義釋其縛舊音扶臥反扶臥與无可同也泥音尼整反者如叭呢之呢二合呼爲納銘銘整聲相同故也其作識卽與揭同賀卽與呵同其稱娑婆呵爲娑嚩賀攷古本無娑字此故以嚩爲娑此釋氏對音之法亦不謬于古人音讀之正者也

釋家書多于字旁加口此咒誦之說也如嚩字之類道家書多于字上加雨此符籙之說也如靈字之類見宋陳景元上清大洞真經王訣音義所謂出唐史崇一切經音義者是也

唐時有兩一切經音義僧元應所著者爲釋書音義史崇所
著者爲道書音義兩書引據多古書雖爲二氏之學其于博
雅猶不遜陸德明經典釋文余每欲合而刊之以供同好也
菩薩二字皆以艸受名本日菩薩採華言之曰覺有情也
其薩卽薛字唐元應一切經音義云菩薩本作扶薛宋張有
復古編亦云薛別作薩非唐人書薩猶作立下主此碑亦然
自宋以後乃改從產形矣古無那字卽𡗗字也說文云安定
有朝𡗗縣今朝𡗗之𡗗亦作那今𡗗讀如舍反那讀諾何反
居然分爲兩字此刻那羅字體作那猶不失古人之意唐劉
晏云字唯𡗗字不正蓋𡗗之古篆爲𡗗依形而書勢不能不
稍存𡗗𡗗今人則皆正書之矣如那字例得正書今人則反
作𡗗𡗗之形唐人去古未遠于本字之義猶可近求故能不

厭于古人若是

鄭公幹題名

元和八年十月刻正書

李紳題名

元和八年刻正書

王高題名

元和八年□月刻正書並在華嶽廟

內侍李輔光墓志

元和十年四月立崔元略撰文巨雅正書在高陵

碑云輔光爲河中監軍使者蓋監張宏靖軍也巨雅元略之弟巨雅曾爲晉州司法元略又官于中都故撰書此志以記功德

崔蔭鄭公幹題名

元和十年五月刻正書在華嶽廟

大德塔銘

元和十二年八月立沙門文凝撰文王叔清正書在西安府城南

秘書丞韓常謁華嶽廟記

元和十二年十月刻華泰正書

宰相世系表常官至岳州刺史

容府口口題名殘字

元和十四年正月刻正書

宗室世系表有容府經略推官李慶之容府經略使左庶子李景仁容府者卽容州都督府也屬嶺南道

張常慶題名

元和十五年七月刻正書

王播題名

元和十五年十一月刻正書並在華嶽廟

題云起居舍人賜緋魚袋王播攷憲宗初有王播字明敎封太原郡公以元和四年卒非此人唐書王璠傳璠字魯玉元和初舉進士宏辭累遷監察御史以起居舍人副鄭覃宣慰鎮州長慶末擢職方郎中則此卽王璠無疑

雲麾將軍朱孝誠碑

長慶元年二月立蘇遇撰文曹鄴行書并篆額在三原

孝誠字孝誠京兆三原人弱冠入侍爲局丞轉宮闈局令再轉爲謁者監遷內給事守內常侍加寧遠將軍上柱國其稱

忠武軍監軍使者以李光顏爲忠武軍節度孝誠常監其軍也。以元和十五年卒。文有云。元和初。張伯靖負固。叙州嘯聚。蠻落公衡命于傲。擾之際。撫諭于溪洞之中者。謂六年伯靖寇播費二州事也。以八年爲崔能嚴。綬潘孟陽柳公綽等所破降。云元戎授鉞問罪。淮西恩加朝散大夫內侍省內給事。以護許軍者。謂九年吳元濟自稱知軍事。詔嚴綬李光顏李文通烏重允合軍討之也。云是歲李師道逆。窺竊近郊。憲宗移司空公光顏鎮守滑臺。以行天討。兩道全師委公監撫。收斗門下臨濮。皆公之力者。謂十三年光顏徙義成節度使。帥陳許兵攻師道于濮陽。拔斗門杜莊二屯事也。其爲監軍。卽在其時。又云出入四朝。則其入侍之初。猶在代宗時也。

鄭簡之題名

長慶元年二月刻行書

裴穎修嶽廟中門紀石

長慶元年刻張從本正書並在華嶽廟

宰相世系表穎衛尉卿駙馬都尉

邠國公功德銘

長慶二年十二月立楊承和撰文并正書陸邛篆額在西安府學

邠國公者中人梁守謙也韓愈平淮西碑稱守謙出入左右命撫蔡師碑中云蔡人迎戎命公撫衆與之正合守謙于興唐寺寫經爲國祈福故立此頌承和亦中人碑末云天水強璣摹勒并刻字強璣亦中人見其妻王夫人墓銘碑額已失文獻通考唐六譯金剛經恒農楊翔集中貴人楊承和集右

軍書刻之興唐寺亦應是其時所爲

西平王李晟神道碑

太和三年四月立裴度撰文柳公權正書并篆額在高陵奉
正原

右碑叙次忠武功績官爵不及本傳詳盡而大略並與傳各
惟傳云有子十五人碑載者十二人攷世系表亦只有十二
人名又李聽碑以爲十六人舊史云侗仙早世然則以侗等
早世碑故不及之也

李璿題名

太和三年十一月刻正書

李虞仲題名

太和四年七月刻正書

虞仲李端之子唐書本傳虞仲字見之弟進士宏詞累遷太常博士寶歷初以兵部郎中知制誥遷中書舍人出爲華州刺史歷吏部侍郎末有云判官事柳乘同來乘名又見懷素聖母帖後蓋以大理評事出判華州事也

韋公武題名

太和四年刻正書並在華嶽廟

尊勝陀羅尼經并序

太和六年四月立僧版川撰文無可正書在西安府百塔寺無可賈島從弟字法學柳公權

義陽郡王苻璿碑

太和七年立李宗閔撰文柳公權正書并篆額在富平學今額上並無字蹟應是勒碑時未及之也或謂後人磨去者

非

落星石題字

太和口年刻陳元錫記正書在興平

古以太和紀年者三一晉海西公一北魏文帝一唐文宗海西去穆帝不及十年字體又不類北魏爲唐人書無疑

尚書主客員外郎題名殘字

開成元年八月刻行書

郗宗口題名

開成元年閏口月刻正書並在華嶽廟

石刻十二經及五經文字九經字樣

易九卷共九石書十三卷共十石詩二十卷共十六石周禮十卷共十七石儀禮十七卷共二十石禮記二十卷共三十

三石春秋左氏傳三十卷共六十七石公羊氏傳十卷共十七石穀梁氏傳十卷共十六石孝經一卷共一石論語十卷共七石爾雅二卷共五石五經文字三卷大歷十一年六月張參撰九經字樣一卷唐元度撰共十石

開成二年元月立艾居晦陳玠□□□段絳等正書隸題首在西安府學

舊唐書云文宗開成二年宰臣判國子祭酒鄭覃進石壁九經一百六十卷案實共一百五十卷外文字字樣又四卷舊書總成數言之故不符耳

禮記中月令用明皇刪定本列在曲禮前

舊唐書謂石經立後數十年名儒皆不窺之以爲蕪累其評雖不盡然然就諸經中最不堪者推儀禮如掟之爲建祖之

爲祖奉之爲奉拜之爲敗或以形譌或以聲誤音官時書石者不通禮制於此書全未寓目故臨時致多謬戾如此他如論語之脫貧而樂道道字使後人因循不改未必非此書之作備

今本周禮太宰三曰郊甸之賦郊應作邦左傳毛伯衛來錫公命錫應作賜晉侯代鄭及邲邲應作延論語爾愛其羊爾應作女爾雅皇華也應作華皇也楊烏白鷹應作楊白鷹者皆石本之正而後代俗本之誤也或反據以辯正石本者非石經內有旁改字有添注字如書予有亂十人添一臣字左傳昭二十二年辛丑伐京毀其西南下添子朝奔郊四字論語陽貨篇添子曰巧言令色鮮矣仁節誣謬之至或云卽張參孫自牧所改或云宋晁公武據蜀石經增入吾鄉惠徵君

棟以爲是晁未知何所據或以爲卽明工堯惠等所爲然其中亦有從古本改正極是處恐堯惠并不能也

唐時雖云依漢蔡邕刊碑立於太學創立石壁九經却不在學中故蔡持記云舊在務本坊自天祐中韓建築新城而委弃于野宋梁時劉鄩守長安從幕吏尹玉羽請輦入城中置唐尚書省之西隅今龍圖呂公又移立于府學而建亭焉是石經置學之始末

西安府學 大成殿後舊爲碑林今稱碑洞經始於宋元祐庚午龍圖閣學士呂大忠自明迄

本朝屢加輯治余以乾隆壬辰歲政務稍暇進訪古刻見屋宇傾圯經石及諸碑率棄榛莽瞻顧悚息復議興修前後堂廡皆鼎新焉旋於土中鏤得舊刻數十片遂取石經及宋元以

前者編排甲乙周以闡哲明代及近人所刻則汰存其佳者別建三楹以存置其鎖鑰則有司掌之設法保護以冀垂諸永久壁經貞石頓復舊觀後有好古者舉而弗替可也

贈吏部尚書馮宿神道碑

開成二年五月立王起撰文柳公權正書并篆額在西安府學

宿字拱之馮審之從兄也官終吏部尚書卒諡曰懿起字舉之終太尉卒諡曰文

馮耽題名

開成三年四月刻正書在華嶽廟

大通覺法師元奘塔銘

開成四年五月立劉軻撰文沙門建初正書在西安府城南

舊唐書本傳云師洛州偃師人此云緱氏人未知孰是所稱
東印度王拘摩者卽尸鳩摩也戒日王者卽中印度尸羅逸
多也坊州刺史竇師倫倫史作綸

慈恩寺基公法師碑

開成四年五月立李洪度撰文僧建初行書在咸寧興教寺
基公者尉遲敬德之從子也常譯經于慈恩寺卒于永淳中
太和間始建此塔至是勒銘焉

御史大夫李景讓題名

開成四年六月刻正書在華嶽廟

景讓字後已李澄之孫也唐書本傳稱景讓入爲尚書左丞
至天中始進御史大夫劾免爲侍御史據此則開成時已爲
此官也當是爲節度使時兼攝之官故史不記之耳

安國寺寂照和上碑

開成五年正月立段成式撰文僧無可正書額元篆額在咸陽

唐安國寺有二一在西京一在東京在西京者爲睿宗龍潛宅以景雲元年九月爲寺卽此是也在東京者爲中宗節愍太子宅神龍二年爲崇恩寺後爲衛國寺亦以景雲元年十二月改名其並得名爲安國者以睿宗本封故也大德以太和七年卒文稱太和二年來延唐寺以會要攷之延唐本名萬善爲會昌六年奏改碑於開成末卽稱延唐是會要云云亦不甚是矣

司直廳石幢

庚申正月立鄭模撰文裴諸正書在西安府學

庚申當是開成五年續有會昌元年評事李□述一通

陳商題名

會昌元年七月刻行書在華嶽廟

此題云司門郎中史館修撰題後又有後六年商自禮部侍郎出鎮分陝云云攷商以禮部侍郎主文以延英對見辭不稱旨改授王起卽其出鎮之事也見唐書云商字述聖官至秘書監封許昌縣男

大達法師元秘塔碑

會昌元年十二月立裴休撰文柳公權正書并篆額在西安府學

大達憲宗時奉詔與迎佛骨之僧正言是其弟子

崔郾題名

會昌二年六月刻行書

郇時官京兆尹宰相世系表云郇官至大理卿崔郃之弟郇之兄也

謁嶽廟七言詩

會昌二年六月刻強至撰并行書並在華嶽廟

高士廉碑側記

會昌四年五月刻一爲六代孫元裕一爲少逸並正書在醴泉

內侍王文幹墓志銘

會昌四年十月立趙造撰文蕭睦正書在西安府龍首原

崔慎由崔安濟題名

會昌五年二月刻正書

慎由爲宣宗相寓尺東於所知必稱安潛故時人有王凝裴
瓚舍弟安潛之語後亦位至侍中古人之升沈後進若此

□伏王季題名

會昌六年六月刻行書

李□方題名

大中元年□月刻正書並在華嶽廟

陀羅尼經幢

大中二年正月立于惟則撰文正書在西安府學

楊漢公題名

大中二年五月刻正書在華嶽廟

漢公隨越公後裔字用又官至天平軍節度使檢校戶部尚
書題猶其官爲給事中當在爲同州刺史之前唐書本傳不

及之者略也

周公祠靈泉碑并題奏狀及勅批荅

大中二年十二月立正書在岐山周公廟

時崔珙爲鳳翔隴州節度使奏泉靈異詔加泉名曰潤德

李貽孫祈雪謁廟題名

大中三年十二月刻正書

鄭損盧璣題名

大中四年九月刻分書

損時爲臨晉縣令璣鄉貢進士宰相世系表損字慶遠禮部

尚書璣魏州刺史

劉仁口修廟題名

大中四年十月刻正書並在華嶽廟

勅內莊宅使牒

大中五年正月立正書

比邱尼正言疏

大中五年正月立正書並在西安府學

正言名見裴休大達法師碑銘此與勅內莊宅使牒同刻其陰

李貽孫題名

大中五年七月刻行書

張權題名

大中五年八月刻正書

薛謬宋壽送坐主尚書赴滑臺題名

大中五年十月刻正書

于德晦題名

大中六年三月刻正書並在華嶽廟

德晦時官同州刺史世系表同

杜順和上行記

大中六年□月立杜殷撰文董景仁艸書在西安府開佛寺
宋白續文獻通考法順姓杜氏萬年人爲隋文帝所重月給
俸供之有病者對之危坐少卽愈生而聾者與言卽聰啞者
與語卽能言狂顛者使人領往向之禪定少選卽拜謝而去
又嘗臨溪侍者懼不可濟順率同涉水卽斷流其神迹類如
此太宗素敬之嘗引入宮禁妃主戚里諸貴奉之如生佛集
華嚴法界觀門弟子智嚴尊者傳其教

崔瑾題名

大中七年三月刻行書在華嶽廟

宰相世系表璿字汝器官至吏部尚書

定慧禪師宗密碑

大中九年十月立裴休撰文并正書在鄂縣艸堂寺

宗密姓何氏果州西充縣人嘗登進士二十五歲時于遂州涪江西岸遇道圓禪師問法契心遂受圓教文云自迦葉至達摩廿八世達摩傳可可傳璨璨傳信信傳忍爲五祖忍傳能爲六祖忍又傳秀爲北宗能傳會爲荷澤宗又傳讓讓傳馬爲江西宗荷澤傳懿州如如傳荆南張張傳遂州圓張又傳東京照圓傳之師師于荷澤爲五世可卽慧可信卽道信忍卽宏忍宏忍與道信並居蘄州雙峰山東山寺故謂其法爲東山法門貧賤高僧傳稱宏忍七歲至雙峰道信密付法

求實爲東山法門者是也六祖本住寶林寺後刺史辛豫命
出大梵寺辭住雙峰曹侯溪故六祖時亦稱爲雙峰和尚所
謂曹溪宗者是也宏忍旣傳能爲南宗又傳秀爲北宗其弟
又各以其師爲六祖秀之弟子普寂爲七祖王緒大證禪師
碑叙達摩歷傳及大通大照傳大照卽秀大照卽寂也
後龍宗衰而秀宗盛惟會以能門高弟直入東都與北宗相
抗獨孤及三祖碑所謂曹溪頓門孤行嶺南秀公師弟兩京
法主三帝門師帝王分坐后妃臨席惟荷澤會公致普寂之
門益而復虛龍宗風于斯不振者以此秀宗盛于開元會
乃復于天寶至貞元十二年勅以會爲七祖北宗自是遂無
所聞矣會亦稱神會如卽法如如之弟子爲惟忠惟忠卽荆
南張也文又云師初謁遂州繼謁荆南謁東京後謁華嚴觀

觀卽澄觀唐時所稱清涼國師我

朝雍正十二年特封妙正真乘禪師者也師本不識觀後遣人持書以門人禮通之觀答書有云伯牙絕弦仲尼傾蓋矧平不面而傳意猶吾心其自作圓覺經論序有云叨沐猶吾之納謬當眞子之印者卽指其事文裴休撰其圓覺經論書前亦有休序傳次師事與此略同有沙門如山注云休先世名許元度因建越州塔未終後託梁武帝之孫蕭詵訪曇彥禪師爲入定觀明其宿因師云許元度來何暮昔日浮屠今如故後衆請師起龍興大殿師云非吾所爲三百年後當有非求功德主來至唐三生爲休交宋沈仁衷祇園寺舍利塔記文云云與此相合說雖近誕然相傳有其事用以博異聞焉也可

尊勝陀羅尼經幢

大中十載四月立薛志顯建正書在扶風

崔彥昭題名

大中十一年五月刻正書

彥昭僖宗相

李植題名

大中十一年十一月刻正書並在華嶽原

郎官題名柱

大中十二年十一月立不題書人姓名在西安府學

柱八面面爲三段或四段有左司郎中左司員外郎吏部郎中吏部員外郎司封郎中司封員外郎司勳郎中司勳員外郎考功郎中考功員外郎戶部郎中戶部員外郎度支郎中

開中金石錄卷四
度支員外郎金部郎中金部員外郎倉部郎中倉部員外郎
禮部郎中禮部員外郎祠部郎中祠部員外郎膳部郎中膳
部員外郎主客郎中主客員外郎等官官各百餘人

張權題名

大中□□年四月刻行書

李□祈雪題名

咸通元年十二月刻正書並在華嶽廟

大悲心陀羅尼

咸通二年孟春立正書在咸寧臥龍寺

溫璋題名

咸通五年六月刻正書在華嶽廟

寮塔塔銘

咸通五年八月立高鼎撰文并正書在咸陽龍華寺

王夫人墓志

乾符三年立正書在長安崇聖寺

夫人中官強瓊妻也瓊名見梁守謙功德頌後銘後刻佛頂尊勝經

修武安君廟記

乾符五年十二月立正書在咸陽縣東廟內

陀羅尼經幢

乾符六年二月立沙門訶浩正書在咸寧牛頭寺

尊勝經幢

乾符元年口月女弟子陳氏建在咸寧臥龍寺

寺于隋爲福應禪院唐名觀音寺宋太宗更名臥龍寺以僧

惟果居此故也

內侍吳承必墓志

乾符二年十一月立裴廷裕撰文行書不辨姓名董環篆蓋
在咸寧田家灣

司空圖題裴晉公題名詩殘字

正書在草嶽廟

唐撫言云裴晉公赴敵淮西題名岳廟之關門大順中戶部
侍郎司空圖以一絕紀之曰嶽前大隊赴淮西從此中原息
戰韓石闕莫教苔蘚上分明認取晉公題今此詩只存首二
句作嶽前大旆討淮西則有二字異矣圖書世所罕見則此
十四字可寶也

濟安侯廟記

光化二年四月立李巨川撰文柳懷素正書在華州城隍廟
濟安侯華州城隍神也爲唐昭宗所封文稱許國公者韓建
也懷素字知白河東人見宰相世系表

秦王重修法門寺塔廟記

天祐十九年二月立薛昌序撰文王仁恭正書篆額

天祐十九年卽梁主瑱之龍德二年也秦王卽李茂貞唐亡
梁稱帝改元開平而茂貞與李克用並襲天祐蜀王建稱天
復七年以明年改元武成吳楊渥稱天祐十五年以明年改
元武義並是也茂貞踞石鳳翔等二十州于梁主瑱貞明乙
亥丙子之間鳳翔爲蜀所克史不言復爲茂貞所有據碑可
見其脫誤碑又稱天復十二年十九年二十年天復之十二
年卽天祐九年其十九二十年則天祐十六十七兩年也是

茂貞稱天復天祐號年之限克用專稱天祐茂貞兼用天復
天祐此其所異者也茂貞本姓宋倍宗賜姓爲李氏或云茂
貞封秦王在同光初天祐十九年不得有是稱案天祐十九
年卽梁亡之年明年則爲同光元年也豈茂貞自稱爲秦王
莊宗因是封之耶蓋不獨武都楊盛不改義熙年號比志于
陶靖節矣

劉源李彥錫等重立秦王碑題名

天祐二十年癸未四月立正書並在扶風法門寺刻秦王重
修法門寺塔廟記之側

是爲後唐同光元年是年四月己巳存勗稱制改元己巳當
是二十五日此云四月二十九日是存勗己巳立五日矣

爾朱達墓碣

號年缺程彥鉅撰文正書無姓名在邵陽朱家河

府君名達字正道其先河南邵人祖澤官于馮翊因家焉起家自懷州軍事押衙授山南東道節度散兵馬使改東都留守押衙以檢校太子賓客兼監察御史終焉年三十有九卒于江陵府無競里葬于澄城縣武安鄉號年殘泐不可得見者如是朱家河本名大谷河世傳爾朱之後改爲朱氏居于河濱因建達廟砌此碣于廟內近世陝人某作彼縣志印名此爲廟碑談矣

大悲心陀羅尼尊勝陀羅尼經幢

大朝丙午仲夏立正書在慈恩寺

西明寺尊勝陀羅尼經幢

號年泐正書在三原縣東北田村

重興寺石柱經

號年缺正書在同官

石鼓尊勝經

無號年及書人姓名在醴泉昭陵

鼓下作石山山上作天王鬼神以戴之斧鑿甚工

淨慈寺釋迦牟尼并賢劫象銘

號年缺分書在西安府

今世佛寺每造千佛閣者卽賢劫象也水經注據釋氏西域
記言放弓使塔國王有千子勇健無比來伐一國先是一國
王有小人夫人生肉胎大夫人如之卽盛以木函弃之恒水國
王游觀間而見千小兒端正殊好取歸養之後伐父國父大
恐小夫人曰勿愁但于城西作高樓賊來置我樓上賊來小

夫人令千子張口以兩手拈乳乳作五百道俱隊千子口中
賊知是母即放弓仗後于其處立塔者卽其事矣象爲裴行
純造

三階大德禪師碑額

正書在咸寧薦福寺

此不知何碑之額今存寺中碑猶存半截却無一字可見

李益等題名

無號年正書並在華嶽廟

唐有兩李益一宰相揆族官至禮部尚書一爲太子庶子此
未知孰是廟內凡爲唐人題名而無號年可見者又有盧舒
韓解劉承口李賞李成允崔恭蔣羅漢韋彪等共八石攷宰
相世系表韓解官至太子中允崔恭至汾州刺史韋彪至唐

州刺史徐皆不得其人蔣羅漢則內侍省官也廟中舊碣極多向爲明人修五鳳樓用作令適柱礎予以乾隆四十三年奉

勅重修乃始易以瓦石既于舊址加整亦使古物不墜于地後來者其寶之也

梁

寄邊衣詩

乾化四年刻唐裴說撰釋彥修艸書在西安府學

說唐末登進士終禮部員外郎此詩一云說作一云裴羽仙作猶仙說妻也

折勒史嗣祥神道碑

號年撰晉人並缺在府谷西北李家莊

文云有子五八三曰從遠從遠卽從阮以後唐莊宗鎮太原時領府州刺史文內又有當今晉王威公有大忠云云則是碑梁時所建也

文云大魏之苗裔宇文之別緒又云爰因忠烈爲唐裔隴西氏于克行碑云折出河西折屈五代史從阮父嗣倫與此異後唐

揚凝式題名

清泰乙未口月刻行書

王應麟云華岳題名自開元迄清泰所稱清泰蓋卽此是也黃庭堅云見顏魯公書則知歐虞褚薛未入右軍之室見楊少師書然後知徐沈有塵埃氣少師筆札重于一時得片紙寸書者寶逾共貝而此題名竟埋湮于殘題斷砌之間數百

年莫有問之者于以見採錄之功爲不小也

張希崇題名

清泰二年十月刻正書並在華嶽廟

晉

廣慈院東北兩莊地土牒

天福六年八月立正書在咸寧香城寺

牒爲晉天福時給其刻石則在宋淳化三年六月

移文宣王廟記

開運三年正月立馮道撰文楊思進行書在同州府學

文清簡有法行書亦精整可傳

周

樂安公祭告題名

廣順癸丑六月刻口遜正書在華嶽廟

關中金石記卷第五

鎮洋畢沅撰

宋

王彥超修文宣王廟記

建隆三年八月立劉從乂撰文口昭吉行書并篆額

宋史文苑傳有劉從義善爲文章常續長安碑文爲遺風集者當卽其人

篆書千字文

乾德三年十二月立釋夢英書

夢英字皆作英惟此碑作瑛與他碑異

夢英以篆法自名而體多閒架筆趨便易不若少溫之安詳端雅也且多繆體字如宙字應從由而作厶往字應從圭而作𠂔閏字應從王中畫延上而作閏三畫正均嚴字應從厂

而作嚴匡字應從圭而作匡頓字應從屯而作規嫡字應從
爾而作縉出字應從乚而作出克字應作亨而作亨列字應
作躬而作與殿字應作殿而作殿丞字應作爾而作爾輟字
應作爾而作爾敕字應作爾而作爾觴字應作觴而作觴眺
字應作眺而作眺盟字應從血而作盟或省或增或改變皆
非正體又古無藏字只用臧古無崑字只用昆古無潔字只
用絜古無邈字只用藐古無懸字只用縣古無塗字只用涂
古無貽字實用詒古無妙字實用眇古無悅字實用說此亦
並用俗字揆其故蓋因玉出昆岡昆池碣石女慕貞絜紈扇
員絜等字本重疊故也又邈遙古只用消搖藝古只用執此
竟作迢遙與藝律呂調陽本爲律名隋智永唐歐褚所書皆
然今則作呂更徵謬陋矣英書已傳數百年然不能免後人

之議如此擬管者可不知所取法耶

三體陰符經

乾德四年四月立郭忠恕書

此刻唐懷惲禪師碑之陰三體者以篆爲正而以古隸分注于下也蠶字本從𦍋從絲而省爲蠶最謬者則烈字之作𦍋耳其所用古文多無所本宋史稱忠恕有古文尚書并釋文行世今其所作汗簡中採錄甚多字體亦正俗參半乃博覽之家非求精之學也篆體旣變少監舊法又加之筆畫謬戾何以示後

夢英千字文序

乾德五年九月立陶穀撰文皇甫儼正書

江淹擬休上人怨別詩

乾德五年立釋夢英十八體篆書注解分書贈詩正書並袁
允中書

贈詩共十二人馬去非宋白賈黃中陳搏趙逢李頌盧岳許
道寧何承矩呂端僧承牙元寶與咸平元年刻者惟賈黃中
呂端二詩相同此題端爲太常丞當是太祖定國初所贈然
則咸平刻云特進太子太保致仕者爲追錄無疑也米芾書
史曰夢英諸家篆皆非古失實一時又從而贈詩使人媿笑
摩利支天經

乾德六年十月立袁正己正書前有摩利支天像李奉珪繪
書史會要正己汝南人

陰符經

乾德六年十一月立袁正己正書前有李筌遇驪山老母圖

象翟守素繪

張仲荀抄高僧傳序

無號年陶穀文釋夢英正書並在西安府學

修周武王廟碑

開寶六年十月立盧多遜撰文孫崇望行書

崇望書宋時謂之院體蓋用集聖教序筆意而加豐潤者趙
嘏謂出于吳道微恐未必然宋史禮志廣南平遣司農少卿
李繼芳祭南海除去劉鋹所封偽號及官名又命李昉盧多
遜王祐扈蒙等分撰嶽瀆祠及歷代帝王碑遣翰林待詔孫
崇望等分詣諸廟書于石卽其事

修周康王廟碑

開寶六年十月立黃遜浮撰文孫崇望行書並在咸陽廟內

文有云我應天廣運聖文神武明道至德仁孝皇帝宋史本紀乾德元年十一月百官上尊號曰應天廣運仁聖文武至德皇帝開寶元年十一月上尊號曰應天廣運大聖神武明道至德仁孝皇帝與此云聖文者異

修唐太宗廟碑

開寶六年十月立李瑩撰文孫崇望正書在醴泉廟內

修龍興寺塔記

開寶八年四月立正書在同州

碑無撰書人姓名文內有帖也德行無取文學甚虛之言當是撰文者名而姓無攷

蒼頡廟碑并陰

開寶八年大呂月立韓從訓撰文韓文正行書在白水

碑字甚拙其陰列孔子弟子姓名書冉耕字百牛攷漢殷母
廟石闕銘百川栢繇義作伯漢碑陰又有出錢幾伯之文是
古百栢栢三字通用也書公冶長字子之范甯曰公冶長名
芝字子長以芝爲名非也古芝與之同字書漆雕開字子修
樊遲字子綏又分樊須爲二人則非是

法門寺浴器靈異記

太平興國三年四月立正書無換書人姓名在扶風

保寧等寺額牒

太平興國三年四月立正書在興平

牒云興平縣清梵寺宜賜保寧之寺爲額西禪院宜賜淨相
禪院爲額誌公塔院宜賜多寶院爲額法花院宜賜惠安之
院爲額後有中書侍郎平章事盧者盧多遜也右僕射兼門

下侍郎平章事左僕射兼門下侍郎平章事者當是沈義倫
薛居正兩人

使帖

太平興國三年六月立正書

中署右贊善大天通判軍州事楊而不及名劉敞等漢書刊
誤曰楊氏世有兩族出赤泉侯者從木子雲當從手吳仁傑
正之曰子雲先世食我食采于楊而得姓字亦應從木案魏
志楊修字從木而自稱爲修家子雲知兩字古本通也後有
武功郡王宋史宗室列傳云太祖子德昭太平興國元年鎮
永興封武功郡王

縣帖

太平興國三年六月立正書此與使帖並刻牒文下

太上老君常清淨經太上昇元消災護命經太上天尊說生天得道經

太平興國五年閏三月立龐仁顯正書前有老君像白廷璨繪在西安府學

廣慈禪院新修瑞象記

雍熙二年三月立希夷先生陳搏撰文楊從乂正書并篆額在咸寧香城寺

周約謁祠記

雍熙二年八月刻正書在華嶽廟

新譯三藏聖教序

端拱元年立太宗御製文粹雲勝隸書在西安府學

香城寺牒

淳化二年四月立正書刻香城寺地土碑下方在咸寧

呂文仲題名

淳化四年三月刻正書

文仲時以左諫議大夫與陳堯叟爲關西巡撫使見宋史本傳

王著題名

無號年正書刻唐定慧禪師碑陰在鄆縣

著以攻書事太宗爲侍書傳以爲與呂文仲同時人故附于此

崔承業題名

淳化四年十一月刻正書在唐大智禪師碑之陰

侯建中謁詞記

淳化五年春仲刻正書在華嶽廟

贈夢英大師詩

咸平元年正月立釋正蒙正書

共三十二人陶穀楊昭儉趙逢王著蘇德祥趙文度郭從義
何承裕楊徽之范杲李建中張洎呂端賈玘李筠師顏李若
拙宋白賈黃中趙昌言鄭起許仲宣馬去非韓溥臧丙蘇易
簡王承衍陳文顯賴贄郭忠恕陳搏宋溫舒叙次官職往往
與史傳合唯李若拙范杲臧丙爲左諫議大夫鄭起爲左拾
遺史並作右爲非耳又楊徽之不及爲翰林侍讀學士亦其
脫略攷碑作咸平元年刻石而史載徽之以二年爲兵部侍
郎兼秘書監師顏以三年爲翰林學士呂端以太子太保致
仕亦在眞宗立後一二年並在刻石後者疑碑追刻歲月實

非元年所製也碑書諸人官職皆舉其後且顯者故有不合耳詩並言某人上或無上字唯范杲作狂筆言甚粗鄙不足法也夢英一沙門耳其傾動朝士不必皆如詩所云云或好事者依托爲之以張大其教耶然非所攷矣諸詩亦俱無可觀王著題云翰林學士中書舍人知制誥當是單州人以開寶二年卒無書名與太宗時爲侍書者是兩人

說文偏旁字原并自序及郭忠恕答書

咸平二年六月立字原篆書自序答書正書並釋夢英書並
在西安府學

英書多繆體如𠂔字作𠂔𠂔字作𠂔𠂔字作𠂔𠂔字作𠂔𠂔字作𠂔
字作𠂔𠂔字作𠂔𠂔字作𠂔皆不合于六書之正者也英公
書法與郭恕先如出一手故每相標榜恕先答英公書亦頗

稱之而自序直云自李監之後惟洛陽郭忠恕共余深得其妙未免太自詡矣

字原于每字下各著一音皆自爲音切不本前人所製合之紐弄之例猶無所誤其最謬者有三如音皂爲方木反攷皂字古有兩音一音香一音皮及反從無方木之音音聲爲陌包反聲字從牛聲聲字從聲毛聲是誤以聲爲聲字音爲爲方九反說文曰楚東名音爲音本音側詞反又誤以音爲音字是英公非但不識字亦並不知音

顏元孫干錄字書無當于古人之正字也然習之可以無無來歷之字賈昌朝羣經音辨無當于古人之正音也然習之可以無無來歷之音當合此兩書刊布于時以爲初學者法式

說文切音乃徐鉉等以唐韻附入者其廣韻爲宋人增刪已非唐本今陸德明經典釋文李善及五臣文選注張守節史記正義顏師古漢書注章懷太子後漢書注張湛列子注史崇及僧元應兩一切經音義楊齊宜晉書音義顏師古急就章注等書具在世多讀書好古之士而卒無一人採錄諸家之說以復唐韻之舊者何也夫由唐韻以合之周沈更由周沈以合之漢魏上溯三代音之古今正變可觀矣而後人乃指吳械之書爲古音之正取以証詩騷漢賦何其謬歟

修文宣王廟記

咸平三年八月立王漢撰文蕭資隸書并題額在臨潼縣學保寧寺浴室院鐘款

咸平三年十二月建正書在興平保寧寺

欵內稱府主者知京兆府事者也內品者內侍官也所謂把門內品後苑內品及內品矣鎮將及副鎮則鎮砦官耳

梁顥李易直安撫巴峽謁祠記

咸平三年刻正書

宋史顥本傳是年冬王均平命顥爲峽路安撫使題稱右司諫知制誥梁顥傳不及爲右司諫者略也通鑑長編命翰林學士王欽若知制誥梁顥分爲西川及峽路安撫使國子博士李及甫秘書丞李易直副之所至錄問繫囚自死罪以下得弟降之上諭欽若等曰朕以觀省風俗尤難其人數日思之無易卿等各宜宣布德澤使遠方知朕勤卹之意

江仲甫謁祠記

咸平四年閏十二月刻何淑正書並在華嶽廟

臥龍寺鐘款

咸平六年十二月造正書在咸寧

勅賜西嶽廟乳香記

咸平六年九月立韓見素撰文□□正書董洎篆額在華嶽廟

後題名內有宣德郎守右司諫直史倌知華州軍州事輕車都尉高紳江少虞皇朝事實類苑曰紳江東人善篆文與李無惑同時齊名

重真寺買田莊記

咸平六年□月立撰書人缺在扶風

修造靈寶三籙壇記

景德二年冬十一月刻龐奎題正書

仁壽縣志記

景德二載口月刻正書

虞部郎中淳于廣謁廟記

祥符建城式載季秋刻分書並在華嶽廟

御製文宣王贊

大中祥符元年十月立正書篆額

元聖文宣王贊並加封號詔

大中祥符元年十一月立真宗御製并正書

宋史禮志是年十一月幸曲阜備禮謁廟木紀加諡孔子爲

元聖文宣王遣官祭以太牢給使返十戶奉塋廟

承天觀碑

大中祥符二年二月立李維撰文尹熙古行書并篆額在正

寧

觀唐天寶元年建明皇夢羣仙使求之得石象二十七因置此也唐書地理志云縣本名羅川以獲玉正人像改名正寧修文宣王廟大門記

大中祥符二年六月立孫僅撰文冊宗閔正書張格篆額並在西安府學

宋史禮志是年以國諱改元聖文宣王爲至聖文宣王五月通封十哲爲公七十二弟子爲侯先儒爲伯

晉國大長公主祈福記

大中祥符己酉十月立賈得升題並正書在華嶽廟

大長公主卽延慶公主下嫁石保吉以淳化元年改封卽以是年十二月薨逝悟真大師賈得升陳希夷弟子文內又有

張德□應是張德并見麗房報祀記

□□禪師偈

大中祥符三年正月立沙門靜已行書省中篆額在西安府學

此刻唐栖先塋記後額已失禪師勅其名

李璿謁廟記

大中祥符三年二月刻正書

韓國長公主祈福記

大中祥符三年三月立賈得升題並正書

宋史本傳楊國大長公主至道二年封宣慈長公主咸平五年進魯國下嫁柴宗慶歷徙韓魏徐福四國仁宗立進鄧國大長公主以眞宗本紀攷之封韓國後應是衛國非魏國也

本紀是年閏三月帝幸第視疾卽指此事案太宗七女惟此歷封韓國爲長公主若雍國大長公主亦改封韓非此人

韓國長公主禱謝記

大中祥符三年四月立賈得升題正書並在華嶽廟

重書唐旌儒碑

大中祥符三年五月立唐賈至撰文張緯重書并篆額在臨潼縣學

文云天寶中改坑儒鄉爲旌儒鄉冊府元龜云天寶元年改麗山爲會昌山仍于坑儒之處立祠以祀遭難諸儒

麗房謁祠記

大中祥符季秋刻正書

宋垂遠等謁祠記

大中祥符庚戌季秋立張緯隸書並在華嶽廟

文云閣門祇候宋垂遠奉命提點京西刑獄公事詔旨給假
迎侍北堂與弟秘書省正字寧遠知邑隸丞師仲宰知京兆
昭應縣張緯進士龐房同告謁嶽祠案宋史宋瑄傳子明遠
都官員外郎次子垂遠閣門祇候不及寧遠名龐房報祀記
云師仲宰以大理寺丞知華陰縣事

普濟禪院記

大中祥符三年十一月立閣仲卿撰文沙門善儒習王右軍
行書在汧陽龍泉山

善儒自署爲廣慈禪院文學沙門廣慈禪院者卽府城之香
城寺也爲晉天福時改名古有集書無稱習書者習書應是
依仿爲之此碑筆畫雖近却甚拙陋如閤字作門內陷右軍

時必無此體尤爲無所據矣

何昌齡謁廟記

大中祥符四年二月刻正書在華嶽廟

重修元聖文宣王記

大中祥符四年皇帝祀汾陰之月立董儲撰文僧嗣端隸書
在藍田

陳繼昌謁廟記

聖宋祀汾陰歲仲春月刻第十孫陳知新正書在華嶽廟

泰寧宮牒

大中祥符四年三月立正書在渭南今名后土廟

任中正謁祠記

大中祥符四年十一月刻正書

題云樞密院直學士知□州迴路由名嶽者時代張詠知益州也中正字慶之官終禮部尚書

盛亮摹勒御書記

皇帝祀汾陰明年三月立正書姓名泐並在華嶽廟賜陳堯咨疏龍首渠勅

大中祥符七年九月立堯咨行書在西安布政司廨

堯咨自署龍圖閣直學士尚書工部郎中知永興軍府與史本傳合傳云長安地斥鹵無甘泉堯咨疏龍首渠注城中民利之卽指其事堯咨字嘉謨堯叟之弟

張懷彬投龍記

天書九載孟春立孫可久題正書

懷彬官入內供奉可久官入內高班又有李懷疑官入內高

品並中人也宋史眞宗本紀大中祥符元年春正月乙丑有黃帛曳左承天門南鴟尾上守門卒塗榮告有司以聞上召羣臣拜迎于朝元殿啟封號稱天書

蔡汝祭告並王懷珪嶽廟設醮記

大中祥符九年六月刻張綽正書

薛田魏野謁嶽祠記

大中祥符□年正月立正書

宋史魏野傳魏野字仲先陝州陝人隱居州之東郊祀汾陰之歲與李漬並被薦不赴案此題云徵君魏野當是被薦之後薛田字希稷

□知常建醮記

大中祥符□年六月立正書並在華嶽廟

知常亦中人官入內高品

保寧寺浴室院建鐘樓碑

天禧二年六月立冉曾撰文并行書冉商篆額在興平

文甚華瞻足傳行書亦整健商自署官爲三班借職監商稅者三班借職武臣之初階監商稅隸太府寺都提舉所謂諸州易務雜買務雜買場者是也

許文德題名

天禧三年十月刻正書在華嶽廟

大宋敦興頌

無號年虛儀先生撰文唐英篆額在西安府學

此刻虞永興夫子廟堂碑後碑題皇帝嗣明離之三葉歲在未月建午日丁卯宋自太祖至眞宗有天下者三世眞宗卽

位之後歲在未是爲天禧三年也宋史文苑傳有馬應自稱先生于開寶初徵元結中興頌體作教興頌以述太祖下荆湖之功碑序所稱文表起戎保權告難頌所稱洞庭漣漣巴陵遷遷皆荆湖間事此稱盧儀先生而不置姓名當卽其人
鄧保口送御書神述碑石記

天禧四年十月立正書

文有云已後午前丙時暨之所稱丙時卽二十四路法也其法出之淮南子天文訓子午卯酉爲二繩丑寅辰巳未申戌亥爲四鈎東北爲報德之維西南爲背陽之維東南爲常羊之維西北爲號通之維所謂四維者乾巽坤艮四路也故下又有斗指子則冬至指癸則小寒指丑則大寒指報德之維則立春指寅則雨水指甲則驚蟄指卯則春分指乙則清明

指辰則穀雨指常羊之維而立夏指巳則小滿指丙則芒種
指午則夏至指丁則小暑指未則大暑指背羊之維而立秋
指申則處暑指庚則白露指酉則秋分指辛則寒露指戌則
霜降指號通之維而立冬指亥則小雪指壬則大雪等說道
家傳黃帝宅經多有其法世蓋襲用之而不知其出於淮南
矣

鄧保口堅立神述碑石記

天禧四年十月立正書

題云神述碑一片玉篇有斤字云平也又有屨字云客厨此
蓋以斤爲屨案聽事之所爲屨古無斤屨二字是卽用聽字
矣

劉鋹謁祠記

天禧庚申歲刻正書

段微明建醮記

乾興元年二月刻正書

題云奉宣差入內內侍省內侍高品段微明往慶成軍太寧宮太寧廟開啟道場慶成軍卽河中府榮河縣以大中祥符中陞爲軍太寧宮卽后土祠禮志曰大中祥符四年改奉祇曰太寧宮

范雍謁祠記

乾興壬戌四月刻正書

題云陝西轉運使尚書兵部員外郎楊紫金魚袋以傳攷之當由京東轉運副使歷河北轉運使及陝西也史不及兵部員外郎是其缺略

上官冲謨祠記

乾興元年五月刻正書

范雍再謁祠記

天聖癸亥九月刻正書

題云今歲自三司度支副使遷此官復爲本路轉運使以傳合之蓋由陝西轉運使入爲三司戶部副使又徙度支以尚書工部郎中爲龍圖閣待制陝西都轉運使耳

宋漢臣祭禱記

乙丑歲乙酉月刻正書

文稱壬戌歲乙巳月又稱甲子歲丁丑月又稱乙丑歲戊寅月又稱當歲壬午月乙酉月壬戌當是乾興元年甲子爲天聖二年乙丑則三年也攷文安公牡丹詩爲漢臣所刻是漢

臣其時人

劉近恭謁聖容記

天聖三年□月刻正書並在華嶽廟

浴室院鐘樓記碑陰

天聖四年五月僧思詮正書在興平

勸慎刑文并箴

天聖六年五月立晁迥撰文盧經正書在西安府學

迥判西京時年已八十餘矣其爲殿中丞嘗失入死囚奪官
二秩故晚年津津慎刑若此於此可見古人悔過之亟

棲禪寺修水磨記

天聖八年八月立沙門志陸撰文并行書在鄠縣艸堂寺

文云寺之東南隅口高觀之谷長安志作高冠在林谷之東

去縣三十里小磨之法置車輪於水中軸高丈餘設板使軸上出以置礧礧石兩層上層四周綯懸之使不復動水從高下卸激輪則下礧旋轉如風能濟千人食明徐光啟農政書有其遺製乃秦西龍尾等車法之祖也今秦地人猶用之

文安公牡丹詩

天聖九年五月立劉孟堅序行書篆額無姓名在咸寧香城寺

永興軍牒

景祐二年二月立僧惟悟書

此刻唐邠國公功德銘之陰時范雍以戶部侍郎知永興軍請以府城隙地立學舍并乞國子監九經書籍故給此牒牒以元年正月下至二年二月始書上石也上有門下侍郎兼

吏部尚書平章事呂者呂夷簡也工部尚書平章事李者李迪也戶部侍郎參知政事王者王曙也刑部侍郎參知政事宋者宋綬也下皇叔行雍州鳳翔牧荆王者周恭肅王元儼也攷史本紀及諸傳並合

中書劄子

景祐二年十一月立正書並在西安府學

陳執中謁祠記

景祐四年十月刻正書在華嶽廟

宋史本傳執中字昭譽明道中安撫京東進天章閣待制使還知應天府徙江寧府再遷工部郎中改龍圖閣直學士知永興軍案此云陳執中自天章待制除龍圖閣直學士知永興軍府與史傳合

興元府修文宣王廟記

慶歷二年正月立寶充撰文并正書篆額姓名闕在褒城

興慶池禊宴詩并序

慶歷壬午歲上巳日立序張子定撰詩共十八人范雍張奎
劉渙張子定張揆王揚庭李諷尹仲舒問詢趙濟宋宏雷簡
夫楊初平史瑜董士廉文彥若趙寅王冲正書隸額在西安
府學

四六序典雅清麗詩並卓卓可傳子定高平幕下士也可想
見一時之盛

王堯口謁祠記

慶歷壬午仲冬刻正書在華嶽廟

題云被詔綏撫涇原又云經畫西事以史攷之卽王堯臣也

堯臣以翰林學士知審官院陝西用兵爲體量安撫使韓琦徙秦州范仲淹徙耀州堯臣言二人不當置之散地又薦种世衡狄青有將帥才慶歷二年九月趙元昊自鎮戎軍原州入寇乘勝掠平涼關中震恐仁宗思其言復以琦仲淹爲招討使使堯臣再撫涇原其所論沿邊城砦設險阨要賊徑通屬及備禦輕重之策動關利害故史節載其文以仁宗本紀攷之是年十月甲寅有遣使安撫涇原路之文而不署姓氏夫堯臣能識韓范於旣敗之後舉种狄於未用之先所見已爲卓然又經略西兵朝廷多從其計至以疏請諸事付之各鎮用取爲法是堯臣之出爲當時重有關係之人本紀反略之宋史之採摭失當於此可見

浴室院建鐘樓碑陰記

慶歷癸未五月刻正書在興平

普通塔記

慶歷五年二月立盧覬撰文沙門可度正書在扶風

法門寺重修九子母記

慶歷五年閏五月立張奭撰文魏戡正書在扶風法門寺

程琳謁祠記

丁亥六月立正書

題云推誠報德功臣宣徽北院使武昌軍節度鄂州管內觀察處置等使光祿大夫檢校太傅使持節都督鄂州諸軍事行鄂州刺史兼御史大夫充陝西路安撫使兼鄜延路經略使馬步軍都部署判延州軍事管內勸農使上柱國安定郡開國公食邑三千九百戶食實封七百戶程琳案宋史本傳

云琳字天球永寧軍博野人累官太常博士權三司戶部判
官大中祥符中修起居注提舉在京諸司庫務知制誥判吏
部流內銓權三司使改樞密直學士知益州遷給事中權知
開封府再遷工部侍郎龍圖閣直學士復爲御史中丞不拜
以翰林侍讀學士兼龍圖閣直學士再知開封府改三司使
遷吏部侍郎參知政事遷尚書左丞尋爲戶部侍郎知天雄
軍又以左丞爲資政殿學士遷工部尚書加大學士河北安
撫使改武昌軍節度使知永興軍陝西安撫使以宣徽北院
使判延州仍爲陝西安撫使拜同中書門下平章事判大名
府

施昌言修廟記

慶歷七年秋立隸書

題云天章閣待制知華州事施昌言宋史本傳昌言字正臣
通州靜海人累官屯田員外郎知太平府入爲殿中侍御史
開封府判官安撫淮南還以禮部員外郎兼侍御史遷三司
度支副使除天章閣待制河北轉運副使降知華州

田况謁祠記

慶歷丁亥仲冬立正書並在華嶽廟

云樞密直學士田况宋史本傳况字元均趙元昊反夏竦經
略陝西辟爲判官後遷陝西宣撫副使

禮法門寺眞身塔詩

慶歷戊子暮春立張問作王宗元行書在秦王重修法門寺
塔廟記之陰

葉清臣謁祠石幢

慶歷八年四月立正書在華嶽廟

題云翰林侍讀學士尚書戶部郎中知永興軍府事本路安撫使兵馬都部署吳興郡侯葉清臣宋史本傳清臣字道卿蘇州長洲人歷官太常丞直史館以左正言知制誥判國子監陝西用兵擢起居舍人龍圖閣直學士權三司使爲呂夷簡所惡出知江寧府踰年入翰林爲學士以父憂服滿除翰林侍讀學士知邠州改澶州進尚書戶部郎中知青州徙永興軍仁宗御天章閣召公卿出手詔問當世急務清臣聞之爲條對復爲翰林學士權三司使案此內有慶歷丁亥秋赴官明年四月蒙恩召還云云當是復爲翰林學士時事

王元等題名

慶歷八年九月刻正書

慈恩寺塔枕石上多作佛象皆唐筆也凡宋元人題名並在空處明人則大書佛像之上攷歷代名畫記云塔內面東西間尹琳畫塔下南門及西壁千鉢文殊尉遲畫南北兩間及兩門吳畫唐寺多畫壁故記云爾其稱南門及南北兩間當卽是枕石所刻筆畫精整有法猶可寶也

雷簡夫題名

慶歷年月缺錄書並在慈恩寺

程琳再謁祠記

皇祐己丑四月立正書在華嶽廟

內有云太常博士蔡挺卽工部尚書蔡敏肅公也字子政史但載從王堯臣范仲淹兩次宣撫陝西不及程琳并不及爲太常博士俱是缺略

重修李太尉祠堂記

皇祐元年六月立王哲撰文張大中正書廖山甫題額在富平覓子店

太尉唐李光弼也其地有赤眉廟哲爲縣令改爲祠堂至今尚存

王宗元題名

皇祐己丑清暑之月刻宗元行書在秦王重修法門寺塔廟記之陰

重修扶風縣學記

皇祐元年九月立姚嗣宗撰文正書在扶風

李杞謁祠記

皇祐辛卯仲冬刻正書在華嶽廟

蘇軾有臘月遊孤山訪惠勤惠思二僧詩又有李杞寺丞見
和前篇復用元韻答之詩疑卽其人

復惟識廨院記

皇祐三年立黃庶撰文□□元正書在西安府學

此刻隋皇甫君碑後唯識廨院者藍田故龍泉寺也有洪集
者與姚氏共復之而爲之碑碑書或正或行或艸或兼篆籀
分隸奇怪道偉莫名一器余所見隋開皇時曹永恪修陳思
王廟碑亦如是後世無人敢效之矣

李叅母沆等題名

皇祐甲午上巳日刻行書在鄧縣艸堂寺

此卽至和元年是年四月改元叅字清臣知興元府時又有
李清臣字邦直非此人

京兆府小學規

至和元年四月立裴矜正書在西安府學

遊藥水寺詩

至和三年立劉異撰正書在略陽

寺在縣南七里嘉陵江之藥水巖方輿勝覽稱去沔州城七里南有二石洞洞有泉能療疾者此也異詩自注云山上有石乳洞昔人采石乳入此洞中約行半日忽見天氣清朗奇花異木非凡境所有爲白鹿所觸驚迷而返後再遊則有大石塞其門矣今洞又在藥水巖之上五里云洞口石尚存封濟民侯牒

嘉祐二年二月立正書隸額無姓名後有金正大三年二月蔡口題名在郿縣太白廟

案牒以至和二年七月給後叙四人給事中叅知政事程者
程戡也戶部侍郎平章事富者富弼也兵部侍郎平章事劉
者劉沆也吏部尚書平章事文者文彥博也濟民侯太白湫
神也是時李昭遘知鳳翔府事以祈雨感應請於朝因得以
封之也昭遘稱山有祠宇不知建置之始唐貞元中詔京兆
尹韓臯重修據柳宗元集有碑具載感應後唐清泰中復加
繕葺國朝祥符二年專遣使修完春秋邑令致祭列在祀典
臣兼聞慶歷七年河南府王屋縣析城山聖水泉特封爲洞
德侯其例未遠可舉而行牒奉勅宣特封濟民侯攷太白神
唐天寶八載封爲神應公十四載爲靈應公而宗元碑不載
宋眞宗已封通泉廟爲靈派侯而昭遘亦不及宋志王屋縣
熙寧五年屬孟州則是時猶屬河南也碑爲縣令賈番立石

書法仿顏平原疑卽所書

白水路記

嘉祐二年二月立雷簡夫撰文并正書篆額在略陽

文云至和元年冬利州路轉運使李虞卿以入蜀青泥舊路
高峻請開白水路以便公私之行具上未報先預畫材費以
待其可又請知興安軍劉拱總督工作命僉署興安判官李
良祐權知長舉縣令商應案視險易因知河池縣令王令圖
首建路議卽移文令圖通幹其事明年七月詔可十二月畢
工初路未成李先遷東川路新轉運使田諒至審其績狀以
嘉祐二年三月奏上且曰虞卿以至和二年仲春興役仲夏
移去其經營建樹之狀與令圖同願朝廷旌虞卿令圖之勞
用勸來者朝廷依其請其略如此案白水路因江爲名白水

江水經注所稱濁水者是也青泥亦水名太平寰宇記有左
溪水入嘉陵江者卽是水經注漢水又東南千槃頭郡南與
濁水合水出濁城東流與丁令溪水會又東逕武街城南故
下辨縣治也又東宏休水注之又東逕白石縣南又東南泥
陽水注之又東南與仇鳩水合又東南與河池水合又東南
兩當水注之卽故道水又南注漢水

張恭禮建醮記

嘉祐四年三月立正書在華嶽廟

恭禮中人也官入內內侍省內侍高品

呂大忠等題名

嘉祐庚子三月刻正書在白水蒼頡廟碑之上方

种諤題名

嘉祐庚子四月刻正書在華嶽廟

諤字子正种世衡之子題云大理寺丞知縣者蓋以棘丞出知華陰縣事也本傳不及之

張渥題名

嘉祐六年四月刻正書在秦王重修法門寺塔廟記之側

嘉祐殘字

嘉祐壬寅五月刻正書在慈恩寺

程遵路謁祠記

嘉祐七年三月刻隸書在華嶽廟

石林亭詩

嘉祐七年十二月立刻

祇倡和作李邵正書象額在麟

遊

石本唐苑中物原父購得之爲此亭與東坡倡和王象之云
亭在麟遊縣治東

韓愈五箴

嘉祐八年二月立李寂篆書在西安府學

寂於宋不甚著名筆格方整可觀惜其有譌體處書家所不
避也

妙德禪院明覺殿記

嘉祐八年六月立雷簡夫撰文劉戡正書在耀州

章惇題名記

甲辰正月立行書在鄆縣艸堂寺

文云惇自長安率蘇君凡安君師孟至終南謁蘇君軾者宋
史惇傳惇舉甲科調商洛令與蘇軾遊南山抵仙遊潭潭下

臨絕壁萬仞橫木其上惇懾軾書壁軾懼不敢書惇平步過之乘索挽樹緋衣而下以漆墨濡筆大書石壁曰蘇軾章惇來既還神彩不動卽其時事也今仙游寺題名已失所存者惟此耳

題太史公廟詩

治平元年閏五月刻李奎作正書在韓城

盧盛等心名

治平甲辰六月刻正書在慈恩寺

雷題玉華山詩

治平三年四月刻宋球張道宗作冀上之正書

宮在縣西三十五里唐書地理志貞觀二十年置玉華宮宮在縣北四里鳳皇谷永徽二年廢爲寺舊云縣有玉華山宮

以山名據此知山實以宮名也金於此置玉華鎮書史會要
冀上之字冠卿西河人楷書師歐陽率更

玉華山詩

治平丙午五月序立張岫作冀上之正書並在宜君玉華宮

史炤謁祠記

治平三年十月刻正書在華嶽廟

唐張說溫泉箴

治平丁未孟冬立楊方平正書在臨潼